



## Hazrat Hur

1. Hone lagi hussain pe, jab hur ki jaan nisaar  
Dil ko pakar ke di ye sada shahe naam daar  
Qadmo(n) pe jaan dene ko ye hur hai bekaraar  
Zakhmi tamaam jism hai aankho(n) mein hai ghubaar

\*Sharminda hu mai fatema zehra ke laal se\*  
\*Waada wafa karunga muhammad ki aal se\*

2. Be chain sun ke hogaye shabbir ye sada  
Aankho(n) mein ashk bhar ke kaha zaamin ho khuda  
Kausar pe dengi fatima zehra tumhe shifa  
Hur teri maghfirat ki sanad ab hai karbala

\*Zainab ne sar ko peet liya sunke ye kalaam\*  
\*Boli sambhaale khud ko zara ay shahe anaam\*

3. Aayi sadaa ye khuld se haider ki mere laal  
Raazi huwa hai hur se khuda aur nabi ki aal  
Shabbir par yu(n) jaan lutaana hai ek kamaal  
Ab hur ka naam hashr talak hoga la zawaal

\*Ye sun ke hur ke chehre pe ek noor aagaya\*  
\*Jaise qadam ko chumne tha toor aagaya\*

4. Zaanu pe jab hussain ke sar hur ka aagaya  
Safdar nigh mei hur ki andhera sa cha gaya  
Dil par hussain ke koi khanjar lagaa gaya  
Ek dard karbala ki zami(n) mei samaa gaya

\*Khaimo mei yuhi aakhri pohnchi sadaa e hur\*  
\*Zainab ne sar ko peet liya kehke haaye hur\*